

Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaata allanngortinneqarnera pillugu Inatsisartut inatsisaat (Nunat tamat aalisarnek pillugu isumaqatigiissutaat naapertorlugit aalisarnerup akitsuuteqartinneqannginneranik erseqqissaaneq kiisalu piffissap akitsuummik akiliisussaataitaaffiup atuutilerfiata aammalu isertitat allanngorarnerat eqqarsaatigalugu naatsorsuinermi tunngaviusumik allanngortitsinerit)

§ 1

Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaanni nr. 11, 3. december 2012-imeersumi makku allannguutigittinneqarput:

1. § 1, *imm.* 2, ima oqaasertaqassaaq:

”Imm. 2. Naalakkersuisut aamma nunami maani, nunalluunniit allat sinnerlugit oqartussaasut aalisarnek pillugu isumaqatigiissutaat naapertorlugit aalisarnek inatsimmi matumani pineqanngilaq.”

2. § 2 ima oqaasertaqassaaq:

”§ 2. Akitsuummik akiliisussaataitaaneq atuutilissaaq piffissami pisat pisarineqarfianni.”

3. § 3, *imm.* 3, *oqaaseqatigiit siulliit*, ima oqaasertaqassapput:

”Qalerallit akiisa allanngorarnerannut tunngaviusaaq qalerallit Danmarkimiit nioqqutigineqarneranni aamma nunanut allanut tunineqarneranni akit allanngorarnerat.”

§ 2

Inatsit 1. januar 2014-imi atortuulissaaq, atuutissallunilu qalerallinnut 1. januar 2014-imi kingusinnerusumiluunniit pisarineqartunut. Qalerallit 2013-imi 1. januarimiit 31. decemberimut pisarineqartut kingusinnerpaamik 31. marts 2014-imi nunanut allanut tunineqartutut inummulluunniit pingajuusumut tunineqartutut isigineqassapput.

Aleqa Hammond

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut